

**ԳԻՏԱԿԱՆ ՍԵՍԻԱ ՆՎԻՐՎԱԾ ՍՈՎԵՏԱԿԱՆ ՀԱՅԱՍՏԱՆԻ ՅՕ-ԱՄՅԱԿԻՆ**

Հոկտեմբերի 26-ից մինչև նոյեմբերի 1-ը Երևանում կայանալու է ՍՍՌՄ Գիտությունների ակադեմիայի Պատմության ու փիլիսոփայության բաժանմունքի և Հայկական ՍՍՌ Գիտությունների ակադեմիայի Հասարակական գիտությունների բաժանմունքի սեսիան՝ նվիրված Հայաստանում Սովետական իշխանության հաստատման 30-ամյակին:

Սեսիայի աշխատանքներին մասնակցելու համար Երևան են ժամանելու ՍՍՌՄ Գիտությունների ակադեմիայի Պատմության և փիլիսոփայության բաժանմունքի ակադեմիկոսներ և թղթակից-անդամներ: Սեսիային մասնակցելու են նաև եղբայրական ռեսպուբլիկաների՝ Վրաստանի և Ադրբեջանի Գիտությունների ակադեմիաների ներկայացուցիչները:

Գիտական սեսիայի նիստերում լրսվելու է 14 զեկուցում, այդ թվում պատմական գիտությունների դոկտոր Մ. Ներսիսյանի զեկուցումը՝ «Անգլո-ամերիկյան իմպերիալիզմի պլանների տապալումը Հայաստանում 1918—1920 թ. թ. և Սովետական իշխանության հաստատումը Հայաստանում», պատմական գիտությունների դոկտոր Ծ. Աղայանի զեկուցումը՝ «Սովետական Հայաստանը երեսուն տարում» թեմայով: ՍՍՌՄ Գիտությունների ակադեմիայի թղթակից-անդամ Գ. Խաչատրյանի զեկուցում

կկարդա «Սովետական իշխանության հաղթանակը Վրաստանում 1921 թ. փետրվարին», ակադեմիկոս Ե. Կոսմինսկու զեկուցումը վերաբերում է «Սովետական բյուզանդագիտության խնդիրներին», ակադեմիկոս Հ. Յորբեկին կզեկուցի «Հայաստանի 10-րդ դարի պալատական շենքերի մասին», «Նոր դիտողություններ Գառնիի տաճարի հունական արձանագրության մասին» թեմայով հանդես կգա ակադեմիկոս Հ. Մանանդյանը, Հայկական ՍՍՌ Գիտությունների ակադեմիայի իսկական անդամ Գ. Ղափանցյանը կզեկուցի «Հեզոնների գենեոլոգիական կլասիֆիկացիայի հիմունքները և Մառի հայացքների քննադատությունը լեզուների ստադիալականության մասին», ՍՍՌՄ Գիտությունների ակադեմիայի թղթակից-անդամ Վ. Հազարեն իր զեկուցումը կնվիրի «Վերածնության պրոբլեմին»:

Սեսիայում զեկուցումներով հանդես կգան նաև ՍՍՌՄ Գիտությունների ակադեմիայի թղթակից-անդամներ Կ. Տրեբրը, Ամիրանաշվիլին, Հայկական ՍՍՌ Գիտությունների ակադեմիայի թղթակից-անդամ Բ. Պիտրովսկին, փիլիսոփայական գիտությունների դոկտոր Վ. Չալոյանը, Պատմության ինստիտուտի ավագ գիտ. աշխատող Ս. Երեմյանը և պատմական գիտությունների թեկնածու Մ. Պոստոլը: